



E, non habendo máis asuntos que tratar, pola Presidencia dase por rematada a presente sesión, sendo as catorce trinta e cinco horas da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 84 do Papel Timbrado da Comunidade Autónoma de Galicia, Serie A nº 1177944 ata a volta do folio núm. 85, Serie A nº 1177945, de todo o que, como Secretaria, DOU FE.-

O ALCALDE


XAIME REI BARREIRO

A SECRETARIA XERAL


ANA BEGOÑA MERINO GIL

SESIÓN ORDINARIA CELEBRADA POLO PLENO DO CONCELLO O DÍA
28 - DECEMBRO - 2005

ORDE DO DÍA

- 1.- APROBACIÓN DA ACTA DA SESIÓN ANTERIOR.
- 2.- DAR CONTA DE EXPEDIENTES DE MODIFICACIÓN DE CRÉDITOS.
- 3.- APROBACIÓN EXPEDIENTE REVISIÓN DE PREZOS EMPRESA URBASER.
- 4.- ACTIVIDADE DE CONTROL DO PLENO:
 - 4.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 4.2.- MOCIÓNS.
 - 4.3.- ROGOS E PREGUNTAS

Na Casa do Concello de Redondela, sendo as vinte horas do día vinteito de decembro de dous mil cinco, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, D^a. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. ANTÓN DÍAZ MOURELLE, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D. ALEJANDRO BASTOS FERNÁNDEZ, D^a. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as Concelleiros/as D. RODOLFO PATO GARCIA, D^a. CECILIA PÉREZ ORXE, e D^a. PURIFICACIÓN SERRANO CAVIEDES.

A Presidencia declara aberta a sesión, en primeira convocatoria, e con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-



(Sinatura do Presidente)

Folio N.º

Serie A N.º 1177946

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo dezaioito votos a favor (8 do PSdeG-PSOE, 6 do PP, 1do BNG, 2 de RA e 1de EU-IU), acorda prestar aprobación ó acta da sesión celebrada con carácter extraordinario e urxente o día 16 de decembro de 2005.-

2.- DAR CONTA DE EXPEDIENTES DE MODIFICACIÓN DE CRÉDITOS.-

Dada conta dos seguintes expedientes de modificación de crédito:

- 23/05, aprobado por Decreto da Alcaldía de data 16.12.05, mediante transferencias de crédito, por importe de 9.000,00 euros.

- 24/05, aprobado por Decreto da Alcaldía de data 22.12.05, mediante transferencias de crédito por importe de 23.000,00 euros.

Non se formulan observacións, e o Pleno do Concello, dase por enterado dos expedientes administrativos de modificación de créditos anteriormente relacionados.-

3.- APROBACIÓN EXPEDIENTE REVISIÓN DE PREZOS EMPRESA URBASER.-

ANTECEDENTES.-

Solicitud de data 21.07.05, núm. de Rex. de Entrada 6991, da empresa URBASER, de revisión de prezos do contrato administrativo de arrendamento, asinado polo Concello de Redondela con "Urbaser, S.A." o 13.12.96, para a xestión do servizo público de recollida domiciliar de lixo e o seu transporte.

Informe do Sr. Interventor Xeral do Concello de data 20 de outubro de 2005, Rfº.- T 170/05.

Dictame da Comisión Informativa de Medio Ambiente de data 26 de decembro de 2005, que transcrito dí:

"Pola Presidencia, dase conta da súa proposta de 15 de decembro de 2005, que transcrita dí:

Con data 21.07.05, presentouse polo representante da empresa URBASER, S. A., unha solicitude de revisión de prezos, na que se aportaba documentación contendo a xustificación da súa necesidade e procedencia.

Remitida a documentación á Intervención Xeral municipal, con data 20.10.05 remitiuse a esta Concillería o informe de referencia T 170/05, no que se efectúa unha valoración dende o punto de vista legal e económico-orzamentario da revisión solicitada.

Segundo se manifesta expresamente no informe da Intervención Xeral URBASER non está cumprindo con todas as obrigas contractuais co Concello e factura en concepto de transporte do lixo contías superiores ás acordadas expresamente polo Concello en data 28.09.05.

Atendendo ao contido do informe da Intervención Xeral ás consultas realizadas á Secretaría Xeral, o Concelleiro de Medio Ambiente propón ao Concello Pleno a adopción do seguinte acordo:

1).- Aprobar a revisión de prezos de acordo co solicitado, do seguinte xeito:

- Importe anual revisado (con IVE).
- Importe mensual revisado (con IVE).

2).- Continuar, e iniciar no seu caso, os expedientes administrativos dirixidos a adecuar a facturación de Urbaser aos acordos plenarios vixentes en materia de prezos.

Aberta a votación pola Presidencia, coa abstención dos/as Sres./as Concelleiros do Grupo Municipal do PP (3), e o voto afirmativo dos restantes membros da comisión presentes (6), quedou dictaminada favorábelmente a proposta transcrita."

INTERVENCIÓNS.-

O señor Bastos Fernández di que o servizo que presta Urbaser deixa moito que desexar tanto na recolleita como na limpeza dos contenedores...etc polo que considera que non merece nin o incremento do IPC dado que en xeral o servizo que presta é moi deficiente e pensa que é pola falla de control do concello.

O señor Pazos Docampo di que agora non se trata de analiza-lo funcionamento de Urbaser posto que o único que se está a discutir é se se actualizan os prezos ou non e hai que actuar conforme á lei. Entende que o funcionamento tampouco foi mellor noutras épocas e se legalmente teñen dereito haberá que adoptar o acordo e revisa-los prezos conforme ao solicitado.

A señora Canal Gómez anuncia que votarán en contra porque, entre outras cousas e tal e como sinala o informe do interventor, falta o informe do xefe do servizo ou, no seu defecto, da secretaria xeral do Concello. Tamén di que solicitaron que se reunira a comisión de seguemento de servizos privatizados e non se lles fixo caso.

O señor González Iglesias di que a cuestión a dilucidar é se, de acordo co contrato, hai que aceptar ou non o que pide a empresa. Outras cousas non veñen a conto. En canto á comisión, o certo é que está esperando a que o PP e Redondeláns Adiante designen aos seus representantes na mesma. Dí tamén que o contrato foi asinado cando era alcalde D. Amado Ricón e a señora Canal formaba parte do goberno municipal e non entende cómo non asumen o que asinaron.

O señor Bastos Alonso anuncia que votarán en contra da proposta.

O señor Pazos Docampo di que no Concello de Redondela non hai xefaturas de servizo e iso tampouco debe supor que a secretaria deba informalo todo dado que sería imposible aínda que figure no informe do interventor. Non lle parece que sirva como argumento para fundamentar o voto en contra posto que non sería serio denegar agora a revisión de prezos e despois ter que pagarlle á empresa cando se resolva o contencioso. Non entende por qué a oposición vai a votar en contra.

A señora Canal Gómez di que non se lles enviou ningunha comunicación para nomea-lo seu representante na comisión pero agora se dan por informados e inmediatamente lle comunicarán quen vai a ser pero votarán en contra da proposta porque consideran que se incumpre o artigo 172.1 do ROF de acordo co informe do interventor.

O señor González Iglesias di que lles facilitará a comunicación pola que se lles pedía que designaran ao seu representante na comisión e pide ao Alcalde que permita ao Interventor aclarar se procede ou non a revisión de prezos. O interventor di que legalmente sí procede a revisión con independencia do resto das cuestións que figuran no seu informe.

O señor Pazos Docampo pide ao Alcalde se permita á Secretaria aclarar se procedería emitir informe



(Selo da Corporación)

(Sinatura do Presidente)

Folio N.º

81

Serie A N.º 1177947

por su parte no expediente, respostando ésta que se trata dunha cuestión que debe ser obxecto de fiscalización económica e que nunca informou neste tipo de expedientes.

VOTACIÓN E ACORDO.-

Sometido o asunto a votación, o Pleno do Concello, en votación ordinaria e por unanimidade dos/as seus membros presentes, sendo dez votos a favor (8 do PSdeG-PSOE, 1 do B.N.G., e 1 de EU-IU), e oito votos en contra (6 do PP e 2 de R.A.), adoptou os acordos seguintes:

Primeiro.- Resolve-los reparos formulados polo Sr. Interventor Xeral do Concello no seu informe de data 20 de outubro de 2005, Rf.- T 170/05.

Segundo.- Prestar aprobación ó dictame da Comisión Informativa de Medio Ambiente, de data 26.12.05, nos antecedentes transcrito, e revisa-los prezos do contrato do xeito que de seguido se indica:

Revisión 4ª:

Importe anual revisado (IVE incluído) 414.107,01 euros
Importe mensual revisado (IVE incluído) 34.508,91 euros

Revisión 5ª:

Importe anual revisado (IVE incluído) 568.951,88 euros
Importe mensual revisado (IVE incluído) 47.412,65 euros

Revisión 6ª:

Importe anual revisado (IVE incluído) 582.606,72 euros
Importe mensual revisado (IVE incluído) 48.550,56 euros

Revisión 7ª:

Importe anual revisado (IVE incluído) 594.841,47 euros
Importe mensual revisado (IVE incluído) 49.570,12 euros

Revisión 8ª:

Importe anual revisado (IVE incluído) 610.307,37 euros
Importe mensual revisado (IVE incluído) 50.858,94 euros.-

4).- ACTIVIDADE DE CONTROL DO PLENO:

4.1).- DAR CONTA DE RESOLUCIÓN.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día **26 de novembro ó 23 de decembro de 2005.-**

4.2).- MOCIÓNS.-

Non figuran mocións no presente punto da Orde do Día.-

fagan coa maior brevidade.

- O señor Bastos Fernández recrimina ao Alcalde por non ter presentado á Secretaria do concello, que xa leva varios plenos actuando como tal.

E, non habendo máis asuntos que tratar, pola Presidencia dase por rematada a presente sesión, sendo as vinte horas vintecinco minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 85 do Papel Timbrado da Comunidade Autónoma de Galicia, Serie A nº 1177945 ata a volta do folio núm. 87, Serie A nº 1177947, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL

SESIÓN ORDINARIA CELEBRADA POLO PLENO DO CONCELLO O DÍA
27 - XANEIRO - 2006

ORDE DO DÍA

- 1.- APROBACIÓN DA ACTA DA SESIÓN ANTERIOR.
- 2.- DAR CONTA DE EXPEDIENTES ADMINISTRATIVOS DE MODIFICACIÓN DE CRÉDITO.
- 3.- APROBACIÓN DA CONTA XERAL DO ANO 2003.
- 4.- APROBACIÓN DA CONTA XERAL DO ANO 2004.
- 5.- APROBACIÓN FORMA DE PROVISIÓN DO POSTO DE APARELLADOR MUNICIPAL DO CONCELLO DE REDONDELA.
- 6.- CORRECCIÓN DE ERROS NO REGULAMENTO DO SERVIZO MUNICIPAL DE ABASTECIMENTO DE AUGA E SANEAMENTO DO CONCELLO DE REDONDELA (RSAS).
- 7.- ADOPCIÓN DE ACORDO SOBRE RECURSO DE REPOSICIÓN INTERPOSTO POR AQUALIA, S. A., CONTRA APROBACIÓN DEFINITIVA RSAS.
- 8.- CORRECCION DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA.
- 9.- ADOPCIÓN DE ACORDO SOBRE RECURSO DE REPOSICIÓN CONTRA ACORDO DO CONCELLO PLENO DE DATA 02.12.05, POLO QUE SE APROBA INICIALMENTE A MODIFICACIÓN PUNTUAL DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA, NO NÚCLEO 23.3 POUSADOURO-REBORDA.
- 10.- ACTIVIDADE DE CONTROL DO PLENO:
 - 10.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 10.2.- MOCIÓNS.